

## 5. PASIAN AWGING ZAKNA: Khalam Makaih Nading Thubulpite

a) Laisiangtho bulphuhte    Rom. 12:1-2    Isa. 30:21    Pro. 3:5-6    Isa. 55:6  
    Eph. 2:10    Eph. 1:3-5    Psa. 139:13-16

**b) I nuntakna ading Pasion deihna Theihkhiatna pen kism mahmah hi**

- Pasion in Zeisu nungzui khat ciatte nuntakna ading gelna nei hi (Eph. 2:10; Psa. 139:16; Jer. 1:5).
- I Pa Pasion in hong it ahihman in eite ading a hoihpen bek hong deihsak hi. Eite nuntakna ading ama deihna tawh kituak in i nuntak leh hih thu hoih sungah nungta thei hihang (Deut. 28:1-2; Rom. 8:28; 2Pet. 1:3).
- Pasion in amah leh amah, tua teh Eite ading ama deihna hong pulak nuam hi (Heb. 11:6; Jas. 1:5).
- Ama lampi a zui dingin Pasion in hong teel nuam hi (Pro. 3:5-6; Psa. 32:8-9).
- Pasion deihna ah i thu manna leh thu man lohna in midangte nuntaknate leh eite mahmah hong sukha hi (Jos. 6:18; 7:1-26).
- Zeisu nungzui hihna tawh Pasion awging zakna pen nisim nuntakna a thupiang thupi pen khat hi.

**c) Nuntakna ading ama deihna Pasion in pulak in kiciansak nuam hi**

- Zeisu nungzui i hihna tawh i kisap makaihna a vekphial in Pasion kammal in hong pia khin hi.
- I nuntakna a thu pawl khatte ah makaihna tuam vilvel kism in, hih ading Pasion i zon ding kism hi. Gentehna in, Pasion nasep nading sapna, nasep, kitenpilh ding lawm (Lk. 11:9-10).
- Pasion in kiciantak in hong makaih nuam hi (Psa. 25:12; Psa. 32:8).
- Zeisu nuntak bang a nuntak ding Pasion in hong deih hi. Zeisu in pen vantunga a Pa sep a muh bang bek in sem hi (Jn. 14:31). Mailam ading lam hong lah nading Pasion kism hihang.
- Pasion in ama muhna ah a siangtho leh genbang lo dingin leitung pianma in hong teel khin hi. I nuntakna tawh amah muang thei hihang. I kisap leh i nuntak zia ding aman thei hi (Eph. 1:3-5; Psa. 139:13-16).

**d) Pasion Deihna khentel theih nading a ahi banga kiginkholhna**

- Zeisu pen i Topa hi sak in utna takpi tawh ama deihna sem nuam ding (Rom. 12:1-2; Matt. 6:33)
- Pasion hong piak dinmun omzia khatpeuh dawngkik in ama deihna i man ding ahi hi (Psa. 25:10)
- Kiniamkhiat ding hihang (Psa. 25:9)
- Thungetna sungah Pasion gen bang i ngaih ding (Pro. 8:34), leh tua gamtatna i kiciansak ding ahi hi.
- Pasion i muan ding hi (Pro. 3:5-7)
- Lungsim siangtho nei in (Psa. 66:18; 1Jn. 1:9). Pasion mi hihlohna khatpeuh ah hong thuzawh dingin Khasiangtho in suakta takin sem ding hi.

- Picinna lam ah manawh ding; hih pen Pasion tamsak zaw in eite tawmsak zawk ding, hih in ama thu a kitel zaw in hong zasak ding hi.
- Lametna nei ding: Pasion in hong hopih nuam ahihman in a thugen ngai ding;
- Topa kihta ding: a hoih lo nate mudah in Pasion lampi ah nuntak ding cihna hi (Prov. 8:13; 9:10). I muhdahte sep ding pen haksa zaw hi.
- Amah bia in phat ding: Pasion in i phatnate hong om pih a, (Psa. 22:3). Ama omna ah phatna tawh lut hihang (Psa. 100:4). Biakna tawh Pasion kiang naih in Pasion thugen ding lametna ah tung thei hihang.
- Pasion awging zakna ding in antanna pen a kizam pen hilo a, ahiihng phattuumna pia hi. Pasion in antan ding hong sawl ciang bek in kizam hi (Matt. 6:16)
- Upna tawh kalsuan ding: Hih pen Pasion in bang deih cih theihna, ei sep theih loh khat Pasion in hong hopih leh hih pen sem thei hihang.
- A pong pi in na nuntakna ah awging li za thei hi teh. Pasion kiang pan na zak nading in hihte kizam hi teh:-
  - √ Midangte awgingte daisak lecin hong pau lo dinguh hi. Gentehna in miten bang ngaihsun ding.
  - √ Na sunglam awgingte daaisak in singlamteh tungah kilhchip in.
  - √ Zeisu mintawh Satan awging daisak lecin hong pau lo ding hi.
  - √ Pasion tungah ki-ap in na Topa hisak lecin', thu hong gen ding hi.

#### e) Phawk in

Pilna pen lutang (khuak) tawh a kisai mah bangin lamlahna pen lungtang tawh kisai hi.

Pasion deihna pen a ka ziazua mawtaw lampi tawh kibang hi. Tua sungah deihbangbang in kihei kawikawi thei hi. Tua pen thei in na zuih leh suakta takin gamta thei hi teh. A zai mahmah Pasion deihna gamgi sungah a kician sitset hong lamlahna hong pai ding hi. Nangma deihna ultung sakpi mah in hih Pasion lamlahna na ngah ding pen hi thei lo hi.

#### f) Pasion thugenna lampite

Pasion in hong hopih na lampi tampi om hi. Ahizong in tuate sungpan banglampi zang a hong hopih ding cih Pasion in a teelna phawk in.

- Pasion kammal tungtawn in (2Tim. 3:16; Psa. 119:9-11, 105).
- Sunglam daaitak leh neel tak a Khasiangthoawging tawh (Acts 11:12; 13:12; 16:6-7; 1Kings 19:12; Isa. 30:19-21).
- Pasion' mi numei pasalte ngaihsut piakna leh thu kikuppihna tungtawn in (Pro. 12:15).
- A kiza thei Pasion awging tawh (Acts. 9:4-5).
- Mangmatna tawh (Matt. 1:20-21).
- Mangmuhna tawh (mang tawh kibang hi a, ahizong in ihmud loh hunsung a piang hi (Acts 10:9-18).
- Vantungmite tawh (Lk. 1:26-38).
- Khasiangtho letsongte tawh, gentehna in pilna kammalte, thutheihna kammalte, kamsanna, kamtuamte, leh kamtuam khatna gentheihna (1Cor. 12:4-11)

1Cor. 14:1-5 ah kamsanna pen Pawlpi ading thakhauhsakna, thapiakna, thuhilhna, hehnepna leh kilamtohna ding hi in mimal khat ading lamlahna kipatna hi ngeilo hi. Kamsanna pen Pasion hong gensa khat kipsakna hi thei-a, ahizong in lamdangsakna tawh hong pai leh, kidop mahmah ding hi-a, tua kha pen sittel ding kizam hi (1Jn. 4:1)

- Kimlepam thupiangte tawh: kimlepam thupiangte i nuntakna i uksakna pen Satan ading lampi honsakna hi. Ahizong in tuate tawh kidawm in la, Pasion in tuate tungtawn a hong hopih ding lamren in.
- Na lungtang lunggulhnate tawh (Psa. 37:4)
- Lungsim sunglam kizawhna aih keileh kipiakna tawh. Hih pen gen tel ding haksa a, a thuak khak ciangin na thei dirig hi.
- Urim leh Thummim tawh. Hih pen Thuciam Lui lai a, sum tang (Coin). veina hi. Pasion in hong sawl bek leh hih pen zang in (1Sam. 14:41 septuagint)(ခေါင်းနှစ်ပန်းတိုင်ခြင်း)

### g) Khate sittel in

Satan in Pasion awging hangin hong do ding hanciam ding cih i phawk ding ahi hi. Tua hang mah in eite tunga Pasion kammal, a diakdiak in Christian i hih cil in i sittel ding kisam hi. A taktak lo theihitel nading pen a taktak tawh kimeltheih mahmahna hi. Bank a sum simte bangin a diktaktakte simna tawh a diklote na theikhia ding hi (1Cor. 14:29; 1Jn. 4:1).

### h) Ama awging i zak ding pen Pa ngimna hi

Aman eite tungah hong gen ding tampi orn a, tampi i ngaih semsem leh, i zakte kitel semsem ding hi. I nuntakna pen Pasionmit lohna nin bulom leh a dang awging tuamtuan tawh i sunglam mi a kidim leh, a hitak tak bangin kician takin Pasion awging za thei lo kha ding hihang.

Pasion thugen i zak ding a kipat teh, thu lian thu thupite hong gen hi. Gupkhatna ading thu hong gen hi. Tua khit teh khensatna lianpi ading Pasion awging i za uh hi. Hih pen ei le ei in phu zolo ding cih thei hanga, hi bang hunte ah Pasion makaihna munkhat i bawl hang hi thei tawntung hi. A nung ciangin Zeisu bangin nungta in, a Pa in a sep ding a deihte bek a sep mah bangin Pasion kiang pan hun khempeuh ah zattheih nading mungh hihang.

A bit, a muanhuai bel, Pasion kiangpan-a zakna a tampenna pen Laisiangtho teci panna tungtawn hi. I kisap lamlahna khempeuhte lak pan 95% pen Laisiangtho sungah kiphah khin zo hi. I nuntakna ah sutpi bangin Laisiangtho tawh i nuntak ding kisam hi. Tua nangawn ah, tuni a eite tungah Pasion kammal hong gen. Khasiangtho langkhat ah i khinkhai theih keileh Laisiangtho zong a si thu zuih bulpi leh thukhun bek peuh hong suak thei hi. Hih Pasion kammal nakpi nihte tawh kilekkim takin i kalsuan ding kisam hi.

Adam pen leitungah Pasion tanga thuneihna nei dingin kibawl hi. Adam in thu a gen ciangin Pasion in thu a gen dan mah ahi hi. Ahizong in Adam in awging dang na ngai ahihman in thakhat thu in kisia in a siangtho Pasion kammal luan na zawi ahihna khahsuah hi. Eite in Zeisu nungzui hihna tawh Pasion thuneihna tangmi leh a kammal luannate i hih kik theih nading in a nunung leh nihna Adam in Zeisu hong pai hi (1Cor. 15:22,46). Hih pen mihing hong kipiansak cilna hang hi-a, eite in Pasion sunga i hamphat na ah i nuntak ding ahi hi. Tua hi-a, Satan leh ama leitung ki-ukna pan awging dang i zak loh nading in Pasion kammal tawh lampi nih in kivak in ei le ei i kikhil ding kisam hi. Hih pen i nuntakna sunga om kidona ahi hi. Hih kidona zawh nading-a Pasion leh a kammal i phalna dingin Pasion in a Khasiangtho tungtawn-a hong hopih nading in kihong in tua khit teh i zuih i man ding kisam hi. Tua ciangin a taktak in Pasion sunga nuntakna ahi Pasion kammal vangliatna sungah nungta ding hihang. Banghang hiam cihleh Pasion pen

Kammal (Thu) ahi hi (Jn. 1:1, 2, 14).

Pasian in thu a gentehnate kipiangsak hi (Gen. 1). Pasian Kammal tawh i nuntak teh thuman thutak in hong suahtaksak mah bangin eite hong kisuaktasak ding hi (Jn. 8:31:32).

Hih in suah takna hong tun abihman in Pasian kammal i ngah nading kiniamkhiat in zui ding hihang (Jas. 1:21-25)

Hih in upna leh lamlahna hong pia a hihman in Pasian kammal i san ding kisam hi (Isa. 30:21). Pasian kammal pen a hawmpi in kileh kik lo ding a, a mah a kisawl na ngimna a tawntunsak in a lunggulhna kicingsak ding hi (Isa. 55:8-11).

I nisim nuntakna ah Pasian kammal ngaihna i zat semsem leh ama awging khentelna ah hi thei semsem ding hihang. Pa mai ah hun i lak na ah, ama thu theih beh bek hilo in, ei le ei mahmah kithei semsem hihang. I tat zia leh i ngaihsutnate i phawk theih ding kisam hi. I kha mi hong thuzawhna i tel theih ding kisam hi. A dang khatpeuh leh midang khatpeuh kiang pan awging i zakteh i langpan mah bang in pasian kammal i zak teh i sungtawng pan thuh kikna leh dawnkikna koici neih i hiam cih i theih ding kisam hi. Hih i sunglam lungtang sittelna leh lungsim ettelna pen Pa kiangpan i zakna ah thupi hi. Banghang hiam cihleh, Pasiang kiang pan i zak ciangin i sungah bang hong piang cih theih telna khat ah a kilam toto ihi hi. Tua hang mah in Topa in amaute tungah thu a genna kitel taka a theihna uh mikhat in a dangkhat kiang a genkhiat ding haksa mahmah hi. Tuate in a limte thei in a theih lam uh thei uh hi.

A hih in bel, i sin khakna ah Pasian awging ading mun i piak semsem leh ama aw khentel thei semsem in i nuntakna sunga kalsuannate ah mite khat sung leh tua sanga a thupi lozaw kalsuan nate nangawn ah amah i zon semsem leh ama deih bang khentel thei semsem ding hihang. Amah i phawlnak leh hun khempeuh tungtawn in Pasian in i lungtang leh i lungsim sungah thu hong gen ding cih i theihna pen sin khakna (Experience). lian khat hi.

Mi pawl khatte in a om lo na khat zonguh hi. Na khempeuh toknawi mang uh hi.

'Pasian awging zakna' cih thu i gen ciangin a tuam vilvel mangmuhna khat nei tawntung in, a kitel mahmah a kikhial thei lo hopihna awging khat i sunglam ah a nei bangin ngaihsun uh hi. Hih pen tua bang dan hi pakpak lo hi. Pasian awging pen eite pumtung a omsa nate tungtawn in in hong pai hi thei gige hi. Tuate pen i lungsim leh i ngaihsutna, i lungtang lunggulhna, lungbuaina aih keilehh lungdaihna i khasunga i ngah ki-apna cihte hi. A kitel mahmah, pianken khengval lampite tawh hong tum hun zong om tham mah hi. Banghang hiam cihleh kim le pam omzia in tua bang kisam sa maw, i khaahsua ding Pasian in deih lo maw cihte hang hi.

Ahizong in a pongpi in bel Pasian in ama kammal hong piakna ah ei lampan i pan khop ding i pa in hong lamen hi. Hih pan lampi nih sepkhiatna hi. Eite pen Pasian kiang pan-a zakna nei ding ngimna tawh hong kibawl mite ihi hi. Na sin leh na zak kammal pen mangin zui in. Banghang hiam cihleh tua thu manna pen Pa tawh sep khopna thu sim hi. Hih bang zia tawh nang leh nang kipia in amah tawh na sepkhop keileh, a dang kilaknate khat peuh a mah tawh pang khawm semkhawm, thei lo ding hi.

Pasian in hun leh ni a neihna i theih ding zong thupi hi. Tuate a hihna banga, i tel theih ding kisam hi. Tua bang hunte ah nate pen manlang takin pai dandan in hun dangte sang bei baihzaw hi. I lungsim i kha i tel theih keileh khaahsua kha ding hihang.

Upna mawhmaina leh Topa mai ah a dik a man sunglam kizawhna ahi Pasian hong piak thu kiciante i ngah theih nading pen i kha sung pan ahi hi. Hih Khasiangtho teci

panna lo tawh hih upna thu ah kal khat zong suan ding hilo leh suan thei lo hihang.

**i) Pasion kiangpan a kammal khat a kipawlpih kilah khiatnate**

**1. Thakhathu hi**

Hihpen tua kammal direct in leh aituam lampi tawn in vangliantak leh kiptak in hong pai cihna hi. Hih pen a kitel mahmah munkhat a thaltang bang hi a, a om zia kiim leh paam ah pelh ding leh thu don loh ding in haksak mahmah hi.

**2. Kithutuak hi**

Hih pen i nuntakna a i tuah khak dinmun om ziate tawh tua kammal kithutuak pha mahmah cihna hi. Pasion kiang pan a kammal khat pen a kizat theih pahna leh a hun mannate tawh kilangkhia hamtang hi.

**3. Muibun hi**

Pasion kammal in a tawntung in sepkhiatna khat piangsak den hi. Hih ngah in i zat pah nak leh, gah hong gahkhia ding hi.

**4. Kituak hi**

Pasion kiangpan a kammal khat pen amah kia tang om ngeilo hi. Kim le pam tawh kithutuak in, i nuntakna a teci panna dangte tawh kibang den cihna hi. Lampi tuam vilvel khat tawh Pasion kiangpan a za a i kingaihsut sim in, a mundang thu dangte ah tua kammal tawh kithu tuah na a zon ding ahi hi. Kammal pen na dangte tawh kituaksak ding hilo hi. Hih pen lauhuai hi. Tua sangsik in tua kammal a kituah na na tampi i zon khiat ding ahi hi. Tuate pen kammal dangte teci leh a dang dinmun om ziate teci hi thei hi.

**j) Lamlah nading a Sittel pahna**

- Hih lamlahna in Topa aih keileh thungen pa a pahtawi hiam?
- Hih in mun man, hunman, zia man, thu nungzui man, minam, kilamzia man, lungsimpuak man leh a gah man cihte ah na man a gen hiam?
- Hih lamlahna pen Laisiangtho tawh kithutuak (ki hual). a kingaih maw kitukalh?
- Ka lungsim ah Khazih lungnopna in hong uk hiam? (Phil. 4:7; Isa. 26:3)
- Kei ading a Pasion lamlahna hong piak ngeisate ka mang khin hiam?
- Hih dinmun ah kei angsung deihna hemkhia in Pasion a masa in ka koih nuam hiam?
- Hih dinmun ah bang sep huai cih Laisiangtho in hong gen hiam?
- Kei dinmun tawh kisai in thu ngen in Pasion ka konlawh hiam?
- Ka khalam makaite leh a pangpi in Khazih pumpi in hih ka ngah lamlahna hong kipsak uh hiam?
- Kei theihna tawh Pasion ka ciangtan hiam?
- Pasion in lam hong lak ding hi cih lametna ka nei hiam?
- Ka dinmun in kei tungah lamlahna hi thei sak maw khaktan?

**k) Khukhupna**

Pasion in eite ading a hoihipen bek hong deihsak hi. Cikmah hun in khial ngei lo in kinlua ngei lo hi. Eite pen ama deihna sem ding a hong kibawl ahihman in ama deihna sepna pen a tangtung, a muan nuntakna neihna hi.

### l) Dotnate leh kikupkhopnate

1. Thu-umte i hihna in i nuntaknate Satan in hong uk hi. Khautawh kizom limno note bangin a deihdeih in hong zang hi. Gupna i ngah ciangin Satan in hong ukna tua khauzangte Pasion in sutat hi. Pasion in eite hong uk nading in tua khauzangtte eite tungah hong koih maw, Pasion lampi zuih nading i teltheih hiam? kamkum in.
2. Banghang in lamlahna pen lungtang tawh kisai hiam? (Col 3:15)
3. Sittel pahna sim in la, Pasion tungahna piak nading a kisapna munte a om hiam cih khensat in.
4. Mihonte tawh Pasion in hong hopihna lampite leh hong koici makaih cih kikum in.
5. Banghang in khate sittel ding ihi hiam?
6. Banghang in kiteltak leh a kiza thei awging tawh direct in hong hopih ziauziau ding haksasak hiam? kamkum in.
7. Pasion' a ahi lote bekbek tawh na lungsim kivak lua na hihman in Pasion kiangpan na zak ding haksa na sa hiam? Tuabang ahih leh banglawh ding na hiam?

### m) Tomlakna leh zatpahna

1. I Pa Pasion in Eite nuntakna ah ama deih banga i nuntak ding hong deih hi.
2. I nuntakna ading Pasion geelna banga nuntakna in a tangtung, a nuam nuntakna, hong nei sakthei hi. Pasion in hong it in a hoihpen hong deihsak hi.
3. Pasion in eite hong hopih nopna leh hong lamlah nopna i theih ding kisam hi.
4. I nisim nuntakna khenkhat bangin Pasion awging zak ding kisam hi.
5. Dinmun khempeuh ah Pasion awging zak ding leh hong lamlahna i theih nading i sin ding kisam hi.
6. Bang lampi tawh eite hong hopih ding cih Pasion in teel hi.
7. Eite tunga Pasion kammal in suahtakna, upna leh lamlahnate hong tun ding hi.